

Isteri TYT terima kunjungan hormat Timbalan Naib Canselor (Hal Ehwal Pelajar Dan Alumni) UMS

NST 16.5.2019 3

KOTA KINABALU: Isteri Yang di-Pertua Negeri, Toh Puan Norlidah R.M Jasni menerima kunjungan hormat Timbalan Naib Canselor (Hal Ehwal Pelajar Dan Alumni) Universiti Malaysia Sabah (UMS), Profesor Dr Ismail Ali di Istana Negeri pagi kelmarin.

Menurut Ismail, tujuan kunjungan tersebut adalah untuk memaklumkan perkembangan terkini kerja-kerjakebajikan yang dilaksanakan oleh UMS antaranya pelancaran Food Bank dengan kerjasama Kementerian Perdagangan Dalam Negeri Dan Hal Ehwal Pengguna (KPDNKK) dan program Jalanan Kasih untuk masyarakat luar bandar di Kota Kinabalu, Sandakan dan WP Labuan sepanjang Ramadan.

Tambah Ismail, pihak Jabatan Hal Ehwal Pelajar UMS juga telah menyampaikan hasrat untuk berkerjasama dengan Yayasan Nur Juhar yang dinaungi oleh Toh Puan Norlidah bagi membantu pelajar luar bandar yang kurang berkemampuan.

Hadir sama pada kunjungan tersebut adalah Penolong Pendaftar, Mohd Jamal Along.



CENDERAHATI ... Ismail (tiga kanan) menyampaikan cederahati kepada Toh Puan Norlidah (tiga, kiri).